

夔莫軒丸散真方彙錄卷十一目錄

眼科

外障服藥

- 一 清心明目上清丸
- 二 光明丸
- 三 明目羊肝丸
- 四 撥雲退翳還睛丸
- 五 平肝明目散
- 六 明目散
- 七 明日上清丸
- 八 明目蒺藜丸
- 九 退翳丸
- 十 黃連羊肝丸
- 十一 扶曉丸
- 十二 撥雲退翳丸
- 十三 又方
- 十四 清寧丸
- 十五 神聖光明丸
- 十六 涼血散火湯

外障洗藥

附碧雲散碧玉散嗅藥

- 一 洗眼蠶繭
- 二 洗眼碧玉丸
- 三 湯泡散
- 四 洗眼萬金丸
- 五 碧雲散
- 六 碧玉散

外障點藥

- 一 明目黃連膏
- 二 烏金紙眼藥
- 三 光明眼藥
- 四 神效瓜子眼藥
- 五 鵝翎管藥眼
- 六 八寶撥雲散
- 七 收淚散
- 八 清涼退翳膏
- 九 退翳迴光膏
- 十 龍腦黃連膏
- 十一 麩仁春雪膏
- 十二 黃連蘆甘石散

三十 瓊液膏

四十 八寶眼藥

五十 光明散

### 內障服藥

一 壽明還睛丸

二 石斛夜光丸

三 杞菊地黃丸

四 明目地黃丸

五 還睛丸

六 又方

七 琥珀還睛丸

八 返睛丸

九 濟陰地黃丸

十 明目地黃丸

十一 又方

二十 杞菊地黃丸

三十 磁硃丸

### 內障點藥

一 珊瑚紫金膏

二 乾眼藥

以上共五十二方

(卷十一目錄終)

# 夔莫軒丸散真方彙錄卷十一

## 眼科

### ▲外障服藥

#### 一 清心明目上清丸

安和堂方

【主治】上焦火盛眼目赤腫白睛紅赤上下胞腫暴發壅眵熱淚昏花一切眼目火熱之症服之神效

【服法】每服貳錢伍分食遠茶清送下小兒叁伍分【應戒】葱蒜椒薑雞魚羊肉等物【忌服】孕

婦勿服【藥品】富歸尾壹川芎生地黃黃芩薄荷赤芍藥生桑皮決明子杭菊花各拾連翹防風桔梗貳兩

荆芥川羌活木賊川黃連甘草各半白芷肆兩川大黃壹兩【製法】右藥共拾九味爲末水泛丸

【按】此丸與黃連上清光明等丸藥味無甚增損治療亦無大異不外散風清熱退翳涼血但風

火眼症初起目赤腫痛者不宜過涼攻下致熱邪留於上焦不散

#### 二 光明丸

龔雲林壽世保元

【主治】暴發火眼紅赤腫痛不可忍者皆因心經火盛所致並治一切雲翳眼症【服法】每服一丸

開水清茶均可送下【應戒】食煙酒椒薑辛辣等物早晚各進一服或外用洗眼蠶繭或點上黃連膏

更爲效驗【藥品】生地黃白芷羌活獨活皮甘草薄荷防風荆芥木賊甘菊花草決明即青黃連黃芩

黃柏大黃青連翹苦梗各貳兩歸尾川芎各叁兩【製法】右藥拾玖味共爲細末煉蜜爲丸重叁錢蠟皮

【按】此丸清熱散風退赤明目頗有效驗

#### 三 明目羊肝丸

汪詠菴醫方集解

【主治】眼疾雲朦氣朦雀朦視物昏花迎風流淚暴發紅腫痘後眼症以及眼弦赤爛症不論遠年近日服之皆有奇效【服法】每服貳錢早晚清茶送下白開水亦可【應戒】生葱蒜椒薑動火之物若腎虛眼花者須間服明目地黃丸取效尤速【藥品】夜明砂淘淨蟬蛻木賊當歸酒洗川連各貳兩羊肝肆兩或六兩去筋膜【製法】將羊肝水煮用銅罐搗爛和前藥杵丸梧桐子大曬乾

【按】羊肝丸方甚夥若外障翳膜之眼此方較為相宜

#### 四撥雲退翳還睛丸

龔廷賢萬病回春

【功效】此藥常服終身眼不昏花【服法】每飯後細嚼一丸茶清送下【應戒】辛辣煙酒上火等物【藥品】密蒙花木賊草白蒺藜蟬蛻青鹽各壹兩薄荷香白芷防風生甘草川芎知母荆芥穗枸杞子白芍各五錢黑芝伍兩當歸酒洗甘菊花陸錢【製法】右藥拾七味共為細末煉蜜為丸如彈子大

#### 五平肝明目散

龔廷賢萬病回春

【主治】眵淚昏花羞明怕日害眼後昏花不清勞神熬夜時眼腫疼隱澀難開此藥平肝火去風熱退赤消腫【服法】每服參錢清茶調下每日一服【應戒】辛辣上火等物【藥品】薄荷葉皮甘草天麻荆芥防風杭白菊當歸連翹枸杞子川芎白芷密蒙花【製法】右藥拾貳味各等分共為細末瓶收貯

【按】外障風火眼疾不宜甘溫之枸杞子補心腎也宜刪去此味

#### 六明目散

顧養吾銀海指南

【主治】五志之火上攻於目生翳起障赤腫疼痛眵淚羞明視物昏花此藥神效【服法】每服貳錢

清茶調下冬月寒疎黃酒調下大便乾燥蜜水調下【應戒】葱蒜椒薑辛辣等物【藥品】當歸草決明冬朮蟬蛻川芎大黃紅花桑白皮山梔薄荷白蒺藜蒼朮木通連翹生石膏池菊荆芥赤芍枳殼生地黃芩羌活獨活各壹兩【製法】右藥貳拾叁味共爲細末瓶收

【芍按】治風熱外障眼症不宜乾燥之品冬朮蒼朮等藥宜刪去

### 七 明目上清丸

謝利恆醫學大辭典

【主治】陰虛肝火風熱上攻翳膜昏暗頭暈目眩多淚作痛拳毛倒睫一切目疾【功效】升陽散風和肝養血補氣潤腎洗心清火【服法】每服叁錢熟湯送下【應戒】煙酒辛辣等物【藥品】大生地肆兩決明子防風大黃當歸桑白皮蔓荊子木賊白菊花荆芥各叁兩川連甘草冬朮獨活桔梗黃芩連翹羌活龍膽草川芎柴胡各貳兩【製法】右藥貳拾壹味共爲細末水泛爲丸

【芍按】此方安效

### 八 明目蒺藜丸

項天瑞同壽錄

【主治】眼疾暴發赤腫外障翳膜風眼火眼天行時眼視物昏花迎風流淚羞明怕日雀目青盲此藥平肝明目通利上焦【用法】每服三錢菊花湯送下茶送亦可常服即愈【應戒】辛辣煙酒上火之物【藥品】當歸丹皮赤芍川芎各貳兩膽草防風荆芥各叁兩黃芩山梔連翹甘菊蔓荊子生地各肆兩刺蒺藜捌兩決明子陸兩黃連壹兩【製法】右藥拾陸味共爲細末水泛丸

【芍按】此藥治外障屢收奇效

### 九 退翳丸

項天瑞同壽錄

【主治】目中雲翳遮睛赤脈胞腫迎風流淚上焦風火凡肝鬱氣盛者宜常服此【服法】每服叁錢  
 食後菊花湯下【應戒】煙酒辛辣等物【藥品】防風膽草赤芍連翹木賊枳殼蔓荊子石決明<sub>另</sub>檳榔甘菊當歸<sub>各貳兩</sub>山梔黃芩決明子炒穀精草<sub>各壹兩</sub>黃柏柴胡蟬蛻川芎羌活<sub>各壹兩</sub>黃連<sub>壹兩</sub>【製法】右藥貳拾壹味共為細末水泛丸

【葯按】此治外障翳膜遮睛常服即愈

### 十 黃連羊肝丸

太平惠民和劑局方

【主治】目中赤脈紅甚眇多【服法】每服十丸或三四十丸茶清送下睛痛者當歸湯送下【應戒】食猪肉及冷水【說明】雜論云此方以黃連除熱毒明目為君以羊肝引入肝經為使不用鐵器者肝木畏金氣也【藥品】黃連<sub>壹兩</sub>生白羯羊肝<sub>壹個</sub>【製法】先以黃連細末用竹刀將羊肝刮下如糊除去筋膜搗盆中研細入黃連末搗和為丸如梧桐子大

【葯按】方用黃連只壹兩何以用羊肝壹個之多為丸恐黃連壹兩兩字係舛字之訛

安和堂方

### 十 扶睫丸

【主治】拳毛倒睫昏暗不明血系攀睛睛隱澀難忍迎風流淚眼胞虛浮皆脾肺二經溼痰所致【服法】每服三錢開水送下【藥品】陳皮厚朴蒼朮<sub>各肆兩</sub>甘草<sub>貳兩</sub>白芥子<sub>炒鹽</sub>【製法】右藥伍味共為細末水泛為丸如桐子大

【葯按】查眼科書有此證而無此方此係肆方乃平胃散加白芥子以祛溼痰也

### 二十 撥雲退翳丸

汪詵菴醫方集解

【主治】風熱障翳雲朦氣朦翳肉遮睛隱澀痛癢或挾痰挾濕陰虛火動七情六淫種種不同【服法】每服一丸日三服翳者米湯下睛暗當歸湯下內障木香湯下【說明】汪詵菴曰此足太陽厥陰藥

也羌活荆芥蔓荆薄荷以升陽散風當歸川芎以利肝養血黃連地骨花粉清火熟枳實破滯氣川椒溫下焦木賊蛇蛻蟬蛻以退翳密蒙蒺藜甘菊目家專藥以潤肝補腎瀉火清金炙草補中以和諸藥也

藥品【當歸兩半川芎地骨皮白蒺藜密蒙花甘菊花羌活荆芥木賊各壹兩天花粉蔓荆子薄荷枳實甘草炙各川椒紫錢伍分炒黃連蛇蛻洗淨蟬蛻各叁錢】製法【右藥拾搗味共為細末煉蜜為丸每丸壹錢重

【按】方內川椒辛熱有小毒蛇蛻雖有退翳之說焙焦亦有小毒非目證所宜均當刪去  
三又方 龔雲林銀海精微

藥品【楮實子薄荷黃連菊花蟬蛻蔓荆子密蒙花蛇蛻荆芥穗香白芷木賊防風甘草各伍錢瓜蒌根叁錢】製法【右藥拾伍味煉蜜為丸每兩作十丸

【按】蛇蛻當刪  
四清寧丸 銀海指南

【主治】臟腑積熱三焦火盛頭痛牙疼暴發火眼口瘡耳鳴耳聾吐血衄血大小便血血痢熱瘡等症服之無不神效【服法】每服一丸好茶送下【應戒】烟酒椒薑葱蒜等物【藥品並製法】大黃

拾筋須錦紋者切作小塊如棋子大先用米泔水浸大黃浸透以側柏葉鋪餛入大黃蒸過晒乾再以黃酒拾筋浸之再蒸過晒乾再以黃酒拾筋浸之再蒸過晒乾另用桑葉桃葉槐葉大麥黑豆各壹

用側柏葉鋪餛蒸過晒乾再蒸再晒製後再用半夏厚朴陳皮白朮香附車前各壹每味煎汁蒸收如上

法蒸過晒乾再用好黃酒拾觔浸透蒸過晒乾為末以上共製十五次煉蜜為丸每丸叁錢重蠟固

【芍按】藥肆現售加味清寧丸或用此方製安大黃末每壹觔加白菊花薄荷葉金銀花青連翹各壹兩半為末合勻用生藕汁生梨汁生牛乳煉蜂蜜為丸每丸叁錢重蠟殼或泛小丸更妙效尤奇

### 神聖光明丸

孫望林良朋彙集

【主治】諸般眼疾赤腫脹痛日久昏花雲翳遮睛遠不能視物並一切難治之眼症統服立效此方能

瀉大腸之火永除燥結之患【服法】每服一丸溫茶送下重者十丸即愈【應戒】煙酒辛辣等物

【藥品】羚羊角白犀角密蒙花生地熟地獨活藜本決明子炒梔子川芎細辛蔓荊子蒼朮各伍錢木賊甘

草刺蒺藜槐花黃連荊芥青葙子羌活芒硝白附子製赤石脂夜明沙淘淨各壹兩火蘇仁大黃各貳兩【製法】

右藥二拾柒味共為細末煉蜜為丸每丸重貳錢

### 六涼血散火湯

周子讓經驗奇方

【主治】暴發火眼上下胞腫流淚眵多脹痛【服法】如頭痛惡風發熱加羌活壹錢眼痛不可忍並

口渴加酒炒川連壹錢如腫不消紅不退者加紅花陸分此藥用清水煎食後服每日一劑病退為度

【藥品】生地貳錢當歸尾赤芍條芩牡丹皮各壹錢柴胡車前子荊芥防風各壹錢蟬蛻捌分右藥十味

### 外障洗藥

附碧雲散嗅藥

### 洗眼蠶繭

滄州培元堂方

【主治】此藥專洗爛弦風眼胬肉攀睛雲翳外障視物昏花羞明怕日迎風流淚及暴發赤腫隱澀難開或疼或癢或生黃眵白膜或多流熱淚皆宜洗之【用法】每用一枚滾水壹盞沖泡蓋浸少時以新



棉花蘸水薰洗洗後避風或點上明目黃連膏更妙壹枚可沖洗三五次其效如神【藥品】當歸尾白菊花防風荆芥穗麩仁川黃連生杏仁各貳兩真膽礬明白礬真銅綠各壹兩宜加蘇薄荷葉貳兩【製法】右藥拾壹味共爲粗粒用絲綿包紮每個重貳錢

【芎按】此方散風清熱涼血殺蟲故治爛弦風眼尤效

### 三洗眼碧玉丸

滄州培元堂方

【主治】暴發火眼目赤腫痛羞澀流淚雲翳遮睛爛弦風眼風癢一切眼症【用法】每用壹丸放淨碗內滾水沖燉取出去蓋先蒸後用棉花蘸洗洗畢再用點眼之藥應洗再溫一丸可洗二三次洗後避

風【藥品】當歸尾防風白菊花麩仁郁李仁各叁錢川黃連明礬膽礬生甘草各壹錢伍分荆芥穗貳錢杏仁叁錢

【製法】右藥拾壹味共研細末用蘇薄荷葉叁錢煎水爲丸每丸壹錢重銅綠爲衣原方人乳爲丸無荆芥穗

【芎按】此丸散風清熱退翳活血祛溼殺蟲實有特效

### 三湯泡散

張景岳全書

【主治】肝虛風熱攻眼赤腫羞明漸生翳膜【用法】每用叁肆錢沸湯泡乘熱先蒸後洗冷則再煖

又洗每日叁兩次再洗另換新藥能活血清熱去風退翳【藥品】生杏仁防風川黃連赤芍藥當歸尾

各伍錢銅青貳錢蘇薄荷葉叁錢久大白鹽叁錢【製法】右藥捌味爲粗末瓶收

【芎按】此方薰洗眼疾涼散風熱活血退赤殺菌消炎頗有奇效眼科不可缺此

張景岳全書

### 洗眼萬金丸

【主治】火眼暴發爛弦風眼【用法】臨用時以熱水化開乘溫洗日三次其效如神居家不可少

藥品【川文哈黃連防風荆芥穗各伍錢苦參當歸川芎各肆錢銅綠伍分】製法【右藥捌味為極細末用蘇薄荷葉煎湯為丸壹錢重

【莖按】此即洗眼碧玉丸類用之頗效川文哈即五倍子也

### ▲外障嗅藥

#### 五 碧雲散

安和堂方

【主治】風熱上攻頭目暈眩偏正頭疼鼻塞不通兩目赤痛遇風流淚項項拘急此藥疏通關竅解除鬱熱升陽散火發散風邪【用法】每用少許嗅鼻中亦能取嚏或口含凉水再嗅【藥品】鵝不食草川芎遂細辛白芷蘇薄荷葉各伍錢青黛叁錢冰片伍分【製法】右藥七味共研極細末瓶收

【莖按】此原方計鵝不食草川芎青黛二味加辛芷冰片薄荷散涼通竅功效尤宏

#### 六 碧玉散

審視瑤函

【主治】眼時腫脹紅赤昏暗羞明怕日癢澀難開疼痛風痒頭重鼻塞腦鼻痠痛翳膜努肉眵淚稠黏攀毛倒睫一切眼症【用法】每用少許吹鼻中一日三次【藥品】羌活躑躅花薄荷葉川芎防風蔓荊子生細辛荆芥穗白芷各壹錢風化硝煨石膏青黛黃連各叁錢鵝不食草叁兩【製法】右藥拾肆味為細末瓶收

【莖按】此散係碧雲散方加味也方頗善見有專門眼科市醫王某治目翳頭疼用此少許吹鼻中用手術按摩頭頸取噴涕痰涎後再點眼藥洗淨後立刻清爽

# ▲外障點藥

## 一 明目黃連膏

滄州培元堂方

【主治】專點暴發赤腫風癢眼疾【用法】先用滾水加鹽少許洗淨後或用洗眼蠶繭泡洗更妙用潔淨骨簪蘸少許再滴涼水點於大小眼角內或眼簾中【功效】能清熱消腫止痛散風止癢退赤神效無比將藥膏收嚴勿落灰塵爲要【藥品】川大黃兩貳川連片兩壹川黃檗明白礬海蝶兩壹黃芩白菊花各伍錢【製法】右藥柒味爲粗粒用鮮牛乳伍大椀煮一椀絹濾去滓再入白蜂蜜肆兩慢火熬成膏冷後研入梅花冰片貳錢攪勻收藏勿入灰塵

【莚按】此膏塗爛弦風眼頗效並塗痔瘡痛痒亦有效驗

## 二 烏金紙眼藥

滄縣春和堂方

【主治】暴發火眼雲翳遮睛熱淚昏花怕光羞明胞腫睛赤【用法】先用洗眼蠶繭洗後再用涼水化開藥點閉目休息即有效驗【藥品】用丹砂散叁兩五錢加梅花冰片壹錢再研極勻【製法】煉白蜜爲細條仍以此散爲衣烏金紙包裹【附丹砂散方】李時珍傳【藥品】生白礬砂生海蝶兩壹去殼洗淨土蘆甘石上好者煨淨量便鏡面硃砂此則不黏【製法】右藥肆味共爲極細末加梅花冰片壹錢再研極勻瓷瓶收貯

【莚按】此方清熱退赤收溼磨翳頗有效驗瓜子眼藥等亦是此方所製

## 三 光明眼藥 又名光明丹

醫學正傳

【主治】諸般眼疾風熱上壅兩目赤腫澀痛羞明爛弦風眼及內外障翳等症【用法】先用滾水泡洗眼蠶繭洗淨再以骨簪蘸涼水沾藥點大小眼角內效驗異常【藥品】羊腦先以黃連用重便蘆甘石煮汁候冷將甘石入煇銀罐內煨紅滓入汁鏡面硃砂水飛淨輕粉伍分梅花冰片叁分當門子壹分生白礬貳錢乳香去油沒藥去油珍珠各伍分內許久凡七次飛淨壹兩明礬貳分真銅綠水飛去泥水飛黃丹各伍分【製法】右藥拾貳味各研極細末合勻瓷器收貯勿令洩氣

【按】此方極佳務要照方修製方可收效凡點眼之藥務研極細否則點之磨痛此藥退翳明目無出其右

### 神效瓜子眼藥

張樹筠

【主治】暴發火眼赤腫脹痛翳膜遮睛迎風流淚畏日羞明並爛眼邊一切外障【用法】每以少許用新涼水調點能散風熱止痛消腫涼爽異常用時先以蠶繭藥洗之再點此藥尤妙【製法】用丹砂散肆兩方見前煉白蜜為錠如壺蘆子大

【按】此藥頗著奇效海下大沽人極信用之

### 五鵝翎管眼藥

孫望林良朋彙集

【主治】專點外障雲翳瘵肉攀睛昏花氣朦迎風流淚火眼暴發並老人眼花及爛眼邊擦於爛處即乾火眼即時消腫止痛【用法】俱用骨簪蘸涼水沾藥點於大小眼角內其效如神【藥品製法】蘆甘石火煨紅滓童便內飛七次再燒紅滓入黃連湯內黃連黃栢黃芩梔子甘菊花防風連翹木賊各等分右藥捌味若蘆甘石伍兩此每味用壹錢用清水煎湯將甘石滓入湯內令其自乾聽用再分四季配合○春用蘆甘石壹兩冰片貳分煨礬砂貳分煨真珠叁分麝香伍釐○夏用蘆甘石壹兩冰片叁分伍釐

煨礬砂肆分煨真珠貳分麝香肆釐○秋用蘆甘石壹兩冰片貳分煨礬砂貳分煨真珠叁分麝香伍釐  
○冬用蘆甘石壹兩冰片貳分煨礬砂貳分伍釐煨真珠伍釐麝香壹分右藥五味共研細末瓷器內收  
藏封固

【葯按】此方法甚佳務須照製用之頗效平津盛行

## 六 八寶撥雲散

孫望林良朋彙集

【主治】能點多年雲翳瘀肉攀睛迎風流淚目赤火眼氣朦昏花拳毛倒睫並一切灰塵入目熱淚滾  
灑【用法】每以少許用骨簪蘸涼水點大小眼角能撥雲退翳涼爽非常【藥品製法】先將沒石性  
的羊腦蘆甘石捌兩用砂茶吊壹個洗淨將蘆甘石上火一煨用水飛出細粉粗渣不用曬乾聽用再以  
川黃連羌活連翹黃芩各伍錢水叁大碗煎壹碗又水貳碗煎半碗二次放一處又將飛過蘆甘石燒紅倒  
在童便內如次三淬第四次燒紅方淬入煎藥內再勿見火如濕待其自乾配入乳香油去沒藥油去瓜兒血  
竭各伍錢生礬砂叁兩海螵蛸貳兩煎去鹽性洗淨石決明煨飛壹兩真熊膽叁錢麝香叁分梅花冰片壹錢右拾味共乳無聲方好瓷  
罐內秘收

【葯按】此眼藥方法精妙無比製必照法不得省工減料方可收效

## 七 收淚散

張景岳全書

【主治】風淚不止【用法】每用骨簪水點大眼角淚即收【說明】海螵蛸蘆甘石以收溼片腦以  
辛散故能痊愈【藥品】生海螵蛸去殼洗淨叁錢煨蘆甘石壹兩梅花冰片叁分【製法】右藥叁味爲極細末瓶收  
貯

【葯按】此即俗名迎風散者是屢用頗驗

### 八 清涼退翳膏

增廣驗方新編

【主治】新久雲翳暴發火眼赤腫流淚一切眼症並爛弦風眼等【用法】每用淡鹽水洗淨再以此膏蘸涼水點入大小眼角內數次即愈【藥品】蘆甘石黃湯淬海螵蛸蓬砂各壹兩上硃砂伍分【藥品】右藥肆味共研極細末煉白蜜調為膏或作丸磁盒收貯

【葯按】此即李時珍之丹砂散方宜加冰片貳錢瓜子眼藥烏金紙眼藥均此藥所製也

### 九 退翳廻光膏

安和堂方

【主治】專點諸般雲膜翳障白膜遮睛睛肉爛弦赤障瘀血遮貫瞳人迎風流淚怕日羞明視物昏花【用法】每用少許蘸點大小眼角神效【藥品】川黃連生地山梔子全當歸各壹兩【製法】右藥肆味用清水熬成濃汁去滓淨入白蜜收成膏再攪入樸硝梅花冰片麩仁霜各壹錢攪勻罐收貯

### 十 龍腦黃連膏

傅仁宇眼科審視瑤函

【主治】目中赤脈熱淚羞明目痛難忍【用法】不拘時用溫水洗淨以少許點大眼角內【說明】傅允科曰以黃連能治目痛解諸毒為君龍腦去熱毒為臣乃君臣藥也凡目痛者俱常用此【藥品】川黃連捌錢片腦壹錢【製法】右藥貳味先以黃連去蘆刮去黑皮洗淨剉碎以水三大碗貯以瓦器內隨入黃連於內煎用文武火熬減大半碗濾去滓以滓復煎濾淨澄清入薄磁器盛放重湯蒸澈成膏約半盞許再後濾淨待數日出火毒臨時旋加片腦以壹錢為率用時酌量加之一方加熊膽蚌蛇膽各少許

更妙

【芎按】此方宜加白蜂蜜收膏以免霉壞

### 一 麩仁春雪膏

傅仁宇眼科審視瑤函

【主治】肝經不足內受風熱上攻頭目昏暗痒痛癢澀難開昏眩赤腫怕日羞明不能遠視迎風有淚

多見黑花每用骨簪點大小眼角【說明】傅允科曰以龍腦除熱毒為君生蜜解和百藥為臣麩仁去

暴熱治日痛為使此藥與黃連蘆甘石散龍腦黃連膏並用更佳【藥品】麩仁去皮殼心壓龍腦伍分

製法【石藥貳味先以麩仁研細入龍腦和勻用生好川白蜜壹錢貳分再研和勻收貯聽用

### 二 黃連蘆甘石散

傅仁宇眼科審視瑤函

【主治】眼目破爛畏日羞明眵多眊噪赤脈貫睛【用法】每用少許井花水調如稠糊臨睡以筋頭

蘸敷破爛處不破爛者點眼內皆銳皆尤佳不宜使入眼內【說明】傅允科曰此方以蘆甘石收濕除

爛為君黃連苦寒為佐龍腦除熱毒為使凡日病俱可用即不宜者亦無害【藥品】蘆甘石壹兩黃連肆兩

龍腦量入製法【石藥三味先以蘆甘石置巨火煨通紅為度另以黃連用水一盆用磁器盛貯納黃連

於水內却以通紅蘆甘石淬七次就以所貯磁器置日中曬乾然後同黃連研為細末欲用時以一二錢

再研極細量加龍腦收瓶聽用

### 三 瓊液膏

傅仁宇眼科審視瑤函

【主治】目疾一切年久難療之病雲翳火障迎風流淚外障諸病【用法】將眼洗淨每用骨簪挑少

許點於目內閉目片時候藥過性方開每日點二三次【應戒】食一切動火之物【藥品】熊膽牛黃

珊瑚麩仁去殼皮黃連各壹錢龍腦伍分白蜂蜜貳兩製法【石藥七味先以麩仁黃連二味用長流水二碗傾

於砂鍋之內熬至半碗用重綿紙濾過去滓入蜂蜜再用文武火熬至紫金色蘸起繚絲為度不可太過不及取出入礮砂龍腦熊膽牛黃研極細末和勻入磁罐內封固入土埋七日出火氣聽用

【芍按】此勝於退翳迴光膏多矣

### 四八寶眼藥

謝利恆醫學大辭典

【主治】眼目新久風火症畏日怕風翳遮睛及七十二種外障【用法】每用少許清水調點合目

靜坐毋躁【藥品】西牛黃叁分珊瑚伍分黃連貳錢冰片壹錢瑪瑙伍分麩仁霜壹錢煊甘石製伍錢熊膽陸分海螵蛸柒分

珍珠人乳製壹錢青魚膽貳分麝香叁分荖薺製粉貳錢【製法】石藥十三味共研至極細無聲瓷器密收

### 五光明散

周子讓經驗奇方

【主治】時眼紅腫疼痛多眵流淚羞明【用法】每令病人仰臥以籤沾藥點大小皆內眼閉一飯時

撥出藥屑日點三四次臨臥點一次極效內服前涼血散火湯【藥品】上甘石煊法如常壹兩飛硃砂飛蓬砂

各伍錢真雲麝上梅冰各捌分【製法】石藥五味各研細末和勻再研極細儲瓷瓶封口勿令洩氣

【芍按】此方甚佳硃砂礮砂等分或宜減半用

### 內障服藥

#### 一 壽明還睛丸

胡藻嶠應驗良方

【主治】遠年近日一切目疾內外障翳迎風流淚齆肉攀睛爛弦風眼及年老虛弱視物昏花肝腎不

足等症此丸最能降虛火升腎水若久服之可使到老不花【服法】每服叁錢清晨開水送下【應戒

酒色惱怒油膩辛辣熱性之物【說明】胡藻嶠曰語云天無二曜一物無所生人無兩目一事無能



爲此蓋指人身爲患莫二目甚焉目之爲患有外障有內障外障顯而易治爲害尙輕點藥所能及內障與好目無異爲害甚重點藥所不逮無腫痛眵淚翳膜等因惟診脈沉滯或細弱視物昏花或黑影累累甚至若螢若電頭暈耳鳴時發時止有臟腑陰陽屬病之外而障成則一原夫由來非五味四氣卽七傷六慾不知節制所致也由微而著人不自省臟腑血氣且且斷喪如不急治目其盲矣終身痼廢可不甚哉慎之維何卽病之初起力自調養正心寡慾惜視絨光勞役毋過相火毋熾則臟腑之病虛弱之症可治可補此壽明還睛丸所由擬也規定藥料斟酌分量榮衛調和陰陽並補爲治療內障之健將却病延年之聖藥佐以祛風清火不致有外邪中滯之虞古方用犀角羚羊余易薺菜子菟菜子良以先天秉氣後天水穀今人體力比較疇昔遠遜勿如體力卽有厚薄故分量亦須增減余製是方歷有年矣出而問世凡患內障者必令試服雖不敢自詡藥到病除然亦頗幸重者輕輕者愈屢試屢驗撫以藉可自慰矣

【藥品】潞黨參肆兩 川石斛青葙子兔絲子決明子白茯苓人乳蒸晒乾 淮山藥天門冬去心焙乾 麥門冬去心焙乾 泡杏仁去皮尖 白蒺藜去刺各叁兩炒 酒炒杜仲肉蓯蓉枸杞子酒炒當歸懷牛膝鹽水炒 酒炒知母菟菜子各貳兩 黃柏酒炒 芎藭酒炒 青防風白菊花各壹兩伍錢 炒甘草炒枳殼川連酒炒 五味子菟菜子各壹兩 【藥品】石藥貳拾柒味共研細末外加熟地陸兩生地捌兩蒸透搗爛入藥粉煉蜜爲丸如菉豆大

【芍按】此丸卽石斛夜光丸之變方也減去犀角之寒涼貴品增以養肝明目之薺菜子菟菜子也

內障症屢用屢驗不可輕忽

### 三石斛夜光丸 又名固本還睛丸

顧養吾銀海指南

【主治】眼症神水散大昏如雲霧漸靚空中有黑花或覩物成二體及內障神水淡綠色淡白色者

用法 宜晚服千金磁硃丸晨服此丸每服一丸空心鹽湯送下 應戒 辛辣椒薑烟酒等物 說明 顧養吾曰此藥乃補藥也補上治下利以緩利以久不利以速也故君以天冬人參菟絲之通腎安神 強陰填精也臣以麥冬五味杏仁茯苓枸杞牛膝二地之斂氣除濕涼血補血也佐以甘菊蒺藜石斛菴 蓉川芎甘草枳殼山藥青葙之治風療虛益氣祛毒也使以防風黃連草決羚羊犀角之宣滯泄熱解結 明目也陰弱不能配陽之病宜服之此從則順之治法也 藥品 人參天冬 焙茯苓 各貳兩 麥冬生地熟 地 各兩 菟絲子甘菊草決明杏仁 枸杞子生山藥牛膝 酒浸各 紫錢半 五味子蒺藜金石斛菴蓉川芎炙甘草枳 殼 炒青葙子防風黃連犀牛角 鎊羚羊角 鎊各 伍錢 製法 右藥貳拾伍味爲細末煉蜜爲丸每丸叁錢重蠟 殼

【芍按】前方壽明還睛丸卽此方增損也治內障有特效

### 三 杞菊地黄丸

安和堂方

【主治】老弱肝腎血虧眼目昏暗視物不真常見黑花迎風多淚內障眼疾經年不愈 服法 每服 貳叁錢空心用淡鹽湯送下宜常服不可間斷必有特效 應戒 氣惱勞碌房事葱蒜椒薑煙酒羊肉 等物 藥品 大熟地 兩 生山藥山茱萸 各肆兩 酒蒸 牡丹皮建澤瀉白茯苓 各叁兩 枸杞子杭白菊 各肆兩 兔絲子 蒸沙苑蒺藜 各貳兩 炒 製法 右藥拾味共爲細末煉蜜爲丸如桐子大

【芍按】此乃肆方不外滋補肝腎精血精血足而目自明矣

### 四 明目地黄丸

傅仁宇審視瑤函

【主治】腎虛目暗不明怕光流淚久視無力或服涼藥過多氣血凝滯 服法 每服叁錢空心淡鹽

湯送下【應戒】食蘿蔔【說明】傅仁宇曰精生氣氣生神故腎精一虛則陽光獨治陽光獨治則壯火食氣無以生神令人目暗不明王冰曰壯水之主以制陽光故用生熟地黃山萸五味當歸丹皮澤瀉味厚之屬以滋陰養腎滋陰則火自降養腎則精自生用山藥者所以益脾血萬物之母茯神者所以養神而生明照之精柴胡者所以升陽而致神明之氣於精明之窠也孫思邈曰中年之後有目疾者宜補不宜瀉可謂開萬世之矇矣【藥品】熟地黃焙乾生地黃肆兩生山藥建澤瀉山茱萸去核牡丹皮酒洗柴胡酒洗茯神乳蒸當歸身酒洗五味子烘乾各兩【製法】右藥拾味共為細末煉蜜為丸如桐子大

五還精丸【芍按】此方深有奧義非他方泛泛可比屢用有效不可輕忽 傅仁宇眼科審視瑤函

【主治】遠年近日一切目疾內外翳障攀睛齋肉爛弦風眼及年老虛弱目昏多眵迎風冷淚及視物昏花久成內障此藥最能降虛火升腎水若久服之夜能讀細字【服法】每服叁錢空心鹽湯送下【應戒】食辛辣上火等物【藥品】人參杏仁泡去皮尖肉蓯蓉酒洗杜仲酒洗牛膝酒洗石斛枸杞子各壹兩犀角末防風各捌錢菊花兔絲子酒煮當歸酒洗熟地酒洗黃蘗酒洗青葙子酒洗枳殼麩炒白茯苓乳蒸蒺藜刺炒羚羊角末決明子山藥各壹兩天門冬去心麥門冬去心生地酒洗川芎酒洗黃連酒洗五味子破破甘草各錢知母酒炒【製法】右藥二十九味除犀角末另入餘為細末煉蜜為丸如桐子大一方內無當歸肉蓯蓉杜仲黃柏知母名固本還睛丸

【芍按】此方較石斛夜光丸藥多數味治亦相同惟京津肆方名冠琥珀二字不知何人所增琥珀乃破血藥恐非所宜且肆方藥味繁雜宜增損配售不若此方之為得也

### 六 又方

太平惠民和劑局方

【主治】風毒上攻眼目赤腫怕日羞明多饒眵淚隱澀難開眶癢赤痛險皆赤爛瘖肉侵睛或暴發赤眼睛痛難忍及偏正頭痛一切頭風頭目眩暈【服法】每服一丸空腹細嚼熟湯送下一日三次【應

戒】辛辣等物【藥品】生白朮菟絲子酒浸青葙子防風炙甘草密蒙花羌活白蒺藜炒去刺木賊各等分

【製法】石藥九味共研細末煉蜜為丸每丸重叁錢

【按】風毒上攻多頭目偏痛日久不愈且頭痛甚者多不治目必不保久服此方獲愈者甚多

### 七 琥珀還睛丸

安和堂方

【主治】遠年近日一切眼疾內外障翳迎風流淚視物昏花羞明怕日瞳子少光小焦散大胬肉攀睛

爛弦風眼雲朦昏暗一切肝腎不足內障等症皆可服之【服法】每服叁錢空心開水送下【應戒】

辛辣煙酒等物【藥品】當歸杭白芍生地黃赤芍薄荷荆芥黃芩蟬蛻梔子沙參夜明砂蛇蛻洗淨炒黃琥

珀石決明各捌兩煨黃連黃柏知母夏枯草菊花天門冬丹皮各貳兩刺蒺藜炒貳拾兩【製法】石藥貳拾貳味共為

細末煉蜜為丸如桐子大

【按】此方係藥肆將石斛夜光及還睛丸增損為丸約無甚效宜將蛇蛻夜明砂夏枯草石決明

刪去否則蛇蛻炒焦氣臭恐有毒夜明砂破血過甚石決明煨用無效夏枯草乃以瀉為補刺蒺藜破

血亦無益不若用沙苑藜補肝腎之為得也琥珀亦破血亦宜少用

### 八 返睛丸

【主治】目如轆轤漸生內障【服法】每服三五十九丸每空心鹽湯下【藥品】川芎防風車前子各炒

壹兩 白蒺藜土炒 白朮木賊羌活細辛白芷荆芥枸杞子石決明菊花生地青葙子兔絲子草決明各伍錢熟

地獨活天麻各貳兩 薤仁肆錢 甘草叁錢 製法 石藥共二十二味為細末煉蜜為丸如桐子大

### 九 濟陰地黃丸

王肯堂證治準繩

【主治】足三陰虧損虛火上炎致目睛散大視物不清或昏花澀緊作痛畏明或卒見非常之物及陰虛火燥唇裂如繭等症 服法 每服七八十丸空腹食前熱湯送下 藥品 五味子麥門冬當歸熟

地黃自製肉蓯蓉山茱萸去核乾山藥枸杞子甘菊花巴戟肉各等分 一方無山茱萸 製法 石藥拾味共為

細末煉蜜為丸如梧桐子大

### 十 明目地黃丸

程鍾齡醫學心悟

【主治】內障眼隱澀羞明視物小而沉陷常服之能補肝腎水虧視物不真昏花流淚一切目力不足

之症 服法 每服叁錢空心開水送下 應戒 食辛辣煙酒等物 藥品 大生地壹兩 懷牛膝貳兩

帶心大麥冬兩 大當歸伍兩 枸杞果叁兩 黃菊花捌兩 製法 石藥伍味共為細末用生地黃搗膏加煉蜜為

丸如梧桐子大

按方而效或胃寒人生地宜易熟地黃

### 十一 又方

太平惠民和劑局方

【主治】肝腎俱虛風邪所乘熱氣上攻目翳遮睛目澀多淚瞳人散大視物不清 服法 每服叁拾

丸食前鹽湯送下 藥品 生熟地黃各壹兩 牛膝酒浸 金石斛枳殼炒 杏仁去皮 防風各肆兩 製法 石藥七

味共為細末煉蜜和丸如梧桐子大

### 三杞菊地黃丸

謝利恆醫學大辭典

【主治】肝腎不足虛火上炎目赤腫痛久視昏暗迎風流淚怕日羞明頭暈盜汗潮熱足軟等症【服

法】每服三四錢淡鹽湯或熟湯送下【應戒】生蘿菔葱蒜等物【藥品】枸杞子甘菊花各壹兩熟地

黃肆兩山茱萸肉懷山藥各貳兩白茯苓牡丹皮澤瀉各壹兩【製法】右藥搗味共研細末水泛或煉蜜為丸

如梧桐子大

【綱按】此方尙佳菊花宜用黃者

### 三慈硃丸 又名磁砂丸

陳修園時方歌括

【主治】眼症內障神水寬大漸散昏如霧露中行漸靚空中有黑花或覩物成貳體久則光不收及神

水淡綠色淡白色者又治耳鳴及耳聾最效柯韻伯曰治癩狂癩症如神【服法】每服貳拾丸空腹飯

湯送下【功效】倪微德曰服丸後眼目俯視不見仰視微見星月此其效也若久病累發常服永不

作【藥品】真磁石大煨醋淬七次貳兩水飛鏡面硃砂壹兩生神麩叁兩【製法】右藥參味共為末更以神生麩末壹

兩水和作餅煑浮為度搜入前藥煉蜜為丸如桐子大

【按】此丸所治諸症均著奇效磁石即吸鐵石也加硃砂能媾通心腎而和陰陽神麩能消化五

穀則精易成而目自明矣

### 內障點藥

#### 一 珊瑚紫金膏

薛兵巡祕傳

【主治】遠年近日內障青盲雲翳遮睛火眼暴發迎風冷淚怕日羞明肝腎虛邪等疾點之悉愈惟有

瞳人反背而驚散者不治【用法】每點藥時先用溫水洗淨眼部再用藥少許點入眼角神效【藥品

白蘆甘石以能浮水者為佳用童便浸七日炭火銷銀砂鍋內煨紅再入童便內浸十日研細水飛曬乾壹兩黃丹滾水飛過三次曬乾研細末乳香沒藥各貳錢俱入砂鍋內加燈芯四分微火炒出煙去燈芯研細末

海螵蛸刮去皮甲微火炙過細研貳錢白礪砂貳錢青鹽辟香各伍分梅花冰片叁分【製法】右藥九味各研細秤足合入一處入

鉢內再研細無聲後入麝片二味再研極勻將白蜂蜜用絹袋濾過熬蜜滴水成珠夏老冬嫩春秋酌老

嫩之間用蜜調藥令稀稠得所磁器內封固不可泄氣

【蒞按】此方甚佳但甘石粉冰片宜倍用

### 乾眼藥

驗方

【主治】肝腎虧損眼目昏花星障雲翳及一切新久目疾【用法】每用少許點入眼角合眼靜坐片

時無不神效【藥品】蘆甘石製地栗粉各肆兩冰片捌錢【製法】右藥三味共為研細末瓷器密收

【蒞按】此方甚佳地栗即野苧薺去皮搗爛水飛澄粉用

(卷十一終)

卷十一 內障點藥

